

20. september 2017.

Fundur nr. 10 á árinu 2017, í aðalstjórnar Vestra, kl 17.00 í Háskólasetrinu.

Mættir eru: Hjalti Karlsson, Guðfinna Hreiðarsdóttir, Sólrún Geirsdóttir, Sigurður Jón Hreinsson, Jónas Gunnlaugsson og Guðni Guðnason.

Gengið til dagskrár:

1. Fjárhagur aðalstjórnar.

Þrátt fyrir töluverðar þreifingar hefur aðalstjórn ekki enn tekist að gera styrktarsamninga, sem tryggt gætu rekstrarfé til að standa undir bókhaldi og öðrum sameiginlegum rekstrarútgjöldum félagsins. Eins og staðan er í dag, eru nokkur hundruð þúsuns til í sjóðum aðalstjórnar, en einu tekjur aðalstjórnar hingað til eru tippleikur Íslenskra getrauna. Gera þarf aðra atlögu að fyrirtækjum í leit að auglýsinga- eða styrktarsamningum. Stjórnarmönnum falið að koma með tillögur að fyrirtækjum til að þreifa á í því skyni.

2. Knattspyrnuhús/fjölnotahús

Áform um byggingu 45x70 fermetra byggingar með gervigrasi, á Torfnesi, hafa heldur þokast áfram í sumar. Vinnu við breytingu á deiliskipulagi Torfnessvæðisins hefur verið haldið áfram í sumar og mun koma fyrir bæjarstjórn á morgun, til samþykktar.

Áður hefur komið fram að bæjaryfirvöld taka jákvætt í það, að fjármagn sem hefur verið eyrnamerkt í framkvæmdir á Torfnesvelli fari í byggingu knattspyrnuhúss, gegn því að mótframlag komi frá íþróttahreifingunni og/eða fyrirtækjum. Enn er ekkert fast í hendi, með hvaða hætti slíkt mótframlag gæti verið sett fram. Koma þarf þeirri vinnu áfram af fullri alvöru. Stofna þarf starfshóp vegna byggingaráformanna og á síðasta stjórnarfundi var samþykkt að fyrir hönd stjórnar Vestra, verði Gísli Jón Hjaltason í starfshópnum. Bæjaryfirvöld hafa ekki sett málið formlega í þann farveg af sinni hálfu.

Ýta þarf á að starfshópur sem stofnaður var fyrir forgöngu HSV og á að vinna að samvinnu sveitarfélaganna á svæðinu, um byggingu og rekstur íþróttamannvirkja, haldi starfi sínu áfram svo að legið geti fyrir með hvaða hætti kostnaður af þessari tilteknu byggingu leggst á íbúa svæðisins.

3. Beiðni áhugahóps um uppbyggingu líkamsræktaraðstöð

Óformlegur hópur hefur óskað eftir því að aðalstjórn Vestra hafi einhverja aðkomu að uppbyggingu á líkamsræktaraðstöðu á Ísafirði. Heimildir eru fyrir því að Tækniþjónusta Vestfjarða sé um þessar mundir að teikna og kostnaðarmeta líkamsræktaraðstöðu sem yrði staðsett ofan á andyri íþróttahússins á Torfnesi.

Aðalstjórn Vestra tekur undir þau sjónarmið að það sé til hagsbóta fyrir iðkendur félagsins að aðstaða til líkamsræktar sé til staðar og í lagi. Að beita sér fyrir uppbyggingu á því sviði, telur stjórnin hinsvegar vera fyrir utan sitt starfssvið en vill meina að HSV sé rétti vettvangurinn fyrir slíka vinnu. Formanni falið að svara erindinu í samræmi við umræður á fundinum og fundargerð sem og að koma samsvarandi skilaboðum til HSV.

Fleira ekki gert og fundi slitið kl 17:40.

Fundargerð ritaði Siggí Hreins